



BARAZA LA WAWAKILISHI – ZANZIBAR

ORODHA YA SHUGHULI ZA LEO

BARAZA LA TISA LA WAWAKILISHI

MKUTANO WA SABA

Kikao cha Kumi – Tarehe 10 Oktoba, 2017.

Kikao Kitaanza Saa 3.00 (Tatu) Asubuhi
na Dua itasomwa.

I. HATI ZA KUWASILISHA MEZANI:

Waziri wa Kazi, Uwezeshaji, Wazee, Vijana, Wanawake na Watoto:

Hotuba ya Uwasilishaji wa Ripoti ya Wizara ya Kazi, Uwezeshaji, Wazee, Vijana, Wanawake na Watoto ya Utekelezaji wa Maagizo ya Kamati ya Maendeleo ya Wanawake, Habari na Utalii kwa mwaka 2016/2017.

Waziri wa Fedha na Mipango:

Hotuba ya Uwasilishaji wa Ripoti ya Wizara ya Fedha na Mipango ya Utekelezaji wa Maagizo ya Kamati ya Fedha, Biashara na Kilimo kwa mwaka 2016/2017.

Mwenyekiti wa Kamati ya Maendeleo ya Wanawake, Habari na Utalii:

Hotuba ya Maoni ya Kamati ya Maendeleo ya Wanawake, Habari na Utalii Kuhusu Ripoti ya Wizara ya Kazi, Uwezeshaji, Wazee, Vijana, Wanawake na Watoto ya Utekelezaji wa Maagizo ya Kamati ya Maendeleo ya Wanawake, Habari na Utalii kwa mwaka 2016/2017.

Mwenyekiti wa Kamati ya Fedha, Biashara na Kilimo

Hotuba ya Maoni ya Kamati ya Ustawi wa Jamii Kuhusu Ripoti ya Wizara ya Fedha na Mipango ya Utekelezaji wa Maagizo ya Kamati ya Fedha, Biashara na Kilimo kwa mwaka 2016/2017.

II. MASWALI:

Ofisi ya Rais, Tawala za Mikoa, Serikali za Mitaa na Idara Maalum za SMZ:

80. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Mwishoni mwa mwezi wa Julai, 2017 kumeripotwa wizi wa aibu wa mifuko ya saruji katika eneo la ujenzi wa Uwanja wa Mao Tse Tung ambapo wahusika inadaiwa ni walinzi wa moja ya Vikosi vya Idara Maalum za SMZ.

Je, Walinzi wa aina gani walioshiriki wizi huo na hatua gani zimechukuliwa dhidi yao ili kudhibiti aibu hiyo isitokee tena.

103. MHESHIMIWA ALI SULEIMAN ALI (Jimbo la Kijitoupele) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Soko la Mwanakwerekwe na soko la Mboga Mboga Mombasa yanasimamiwa na Manispaa ya Mjini lakini masoko hayo yapo Manispaa ya Magharibi "B"

Kwa kuwa Masoko hayo yapo Magharibi "B", lakini yanasimamiwa na Manispaa ya Mjini, Je, Wizara imetazama vipi juu ya mgawanyo wa mapato.

Ofisi ya Rais, Katiba, Sheria, Utumishi wa Umma na Utawala Bora:

75. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:

Serikali ya Watu wa Oman inastahili pongezi kwa mashirikiano yake na Serikali ya Mapinduzi ya Zanzibar katika sekta mbali mbali za maendeleo ambapo hivi karibuni Oman imesaidia kujengwa kwa Msikiti Mkubwa eneo la Mazizini karibu na Chuo cha Kiislamu ambao umeshamalizika.

- (a) Je, ni lini Msikiti huo utafunguliwa baada kukamilika ujenzi wake na sababu gani zimepelekea Msikiti huo kuchelewa kufunguliwa.
- (b) Je, Msikiti huo unategemewa kuitwa jina gani.

Wizara ya Elimu Na Mafunzo ya Amali:

40. MHESHIMIWA SULEIMAN SARHAN SAID (Jimbo la Chake Chake) - Atamuuliza Mheshimiwa Waziri wa Elimu na Mafunzo ya Amali:

Kumekuwa na tatizo la kukosekana kwa uwiano katika tarehe za ufungaji wa skuli na vyuo vya Qur-ani na hivyo kusababisha usumbufu kwa wazazi na wanafunzi wengine.

- (a) Je, Serikali haioni umuhimu wa kuwa na tarehe zinazowiana katika ufungaji wa skuli na vyuo vya Qur-an ili kupunguza usumbufu unaojitokeza.
- (b) Je, Serikali haioni baadhi ya wakati wazazi huwa wanasumbuka kwa kutokupanga likizo za mapumziko.
- (c) Je, Serikali haioni umuhimu wa kukaa pamoja baina ya skuli za Serikali na Skuli za binafsi (Private) na Vyuo vya Qur-ani ili kuweka msimamo mmoja wa kufunga na kufungua.

49. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Elimu na Mafunzo ya Amali:

Kwa kuwa skuli ya msingi Jadida iliopo katikati ya mji na yenye wanafunzi wasiopungua 1000 ina vyoo (7) ambavyo hutumika kwa wanafunzi wa kike na kiume jambo ambalo ni tatizo kubwa skulini hapo.

- (a) Je, Wizara hailijui tatizo hili la upungufu wa vyoo kwa skuli ya Jadida.
- (b) Kama inalifahamu, hatua gani za dharura ambazo Wizara imezichukuwa ili kukabiliana na tatizo la upungufu wa vyoo kwa skuli hiyo.

Wizara ya Biashara, Viwanda na Masoko

- 115 MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Biashara, Viwanda na Masoko:

Hivi karibuni, Jamhuri ya Muungano wa Tanzania ilifanya mazungumzo na Serikali ya Kenya kutatua changamoto za kibiashara baina ya nchi hizo na mazungumzo hayo yamekuwa ya mafanikio kwa kuwa changamoto kubwa za kupitisha bidhaa baina ya Kenya na Tanzania zimetatuliwa. Kwa upande wa Zanzibar na Tanzania Bara, kwa muda mrefu kumekuwa na changamoto za wafanyabiashara wa Zanzibar kufanya biashara bila ya bughdha Tanzania Bara ambapo licha ya jambo hilo kuwa la muda mrefu, bado changamoto hizo zipo.

Je, kwanini Tanzania Bara na Kenya wameweza kumaliza changamoto hizo za biashara lakini kwa upande wa Zanzibar na Bara changamoto hizo zinaendelea kwa miaka mingi wakati nchi zetu hizi zina uhusiano wa kindugu

Wizara ya Kazi, Uwezeshaji, Wazee, Vijana, Wanawake na Watoto:

136. MHESHIMIWA SIMAI MOHAMED SAID (Jimbo la Tunguu) – Atamuuliza Mheshimiwa Waziri wa Kazi, Uwezeshaji, Wazee, Vijana, Wanawake na Watoto.

Kwa kuzingatia kuwa Serikali imeweka viwango vipya vya mishahara kwa watumishi wa umma na wale wa sekta binafsi vikiwemo viwango watakavyolipwa vibarua.

- (a) Je, viwango hivyo vipya vya mishahara hasa kwa vibarua vitatumika katika miradi mikubwa ikiwemo miradi ya ujenzi ya Serikali kama barabara na miradi mengine.
- (b) Ni lini Serikali katika utekelezaji wa miradi yake mikubwa itanza kulipa viwango vipya hasa cha kutoka 7,000/- kwenda 25,000/-
- (c) Je, Serikali haioni kuwa kutimiza utekelezaji huu wa nyongeza kutaathiri miradi mikubwa kutokana na fedha nyingi kutumika katika kulipa vibarua au “*daily workers*”

137. MHESHIMIWA SIMAI MOHAMED SAID (Jimbo la Tunguu) – Atamuuliza Mheshimiwa Waziri wa Kazi, Uwezeshaji, Wazee, Vijana, Wanawake na Watoto.

Je, utaratibu upi umetumika kushirikisha Wizara ya Habari na Utalii hasa katika sekta ya Utalii katika kupanga viwango vipya vya mishahara kwa sekta binafsi.

Wizara ya Ardhi, Maji, Nishati na Mazingira

27. MHESHIMIWA MACHANO OTHMAN SAID (Jimbo la Mfenesini) - Atamuuliza Mheshimiwa Waziri wa Ardhi, Maji, Nishati na Mazingira:

Katika kupeleka huduma za jamii karibu na wananchi, Serikali ya Mapinduzi ya Zanzibar ilianzisha Wilaya Mpya za Magharibi 'A' na Magharibi 'B' ambazo tangu kuanzishwa kwake, Wilaya ya Magharibi 'A' ina ukosefu wa huduma muhimu za jamii, hivyo kuleta usumbufu mkubwa kwa wananchi wa Wilaya hiyo. Miongoni mwa huduma hizo ni ukosefu wa kituo cha kununulia umeme.

Je, lini Serikali itaamua kuanzisha kituo cha kununulia umeme kwa Wilaya hiyo ambayo ina baadhi ya Manispaa.

36. MHESHIMIWA SULEIMAN SARAHAN SAID (Jimbo la Chake Chake) - Atamuuliza Mheshimiwa Waziri wa Ardhi, Maji, Nishati na Mazingira:

Serikali ya Mapinduzi ya Zanzibar katika jitihada za kutafuta chanzo mbadala cha umeme, ilipata majenereta ya akiba lakini majenereta hayo kwa muda mrefu toka yalipoletwa hayatumiki.

(a) Ni Sababu zipi zilizosababisha majenereta hayo kushindwa kutumika na hivyo kupelekea hasara kwa nchi.

(b) Kama majenereta hayo yamepitwa na wakati na hayana vipuri na hayawezi kutusaidia wakati wa matatizo, kwa nini yanaendelea kuwekwa na kututia hasara.

- (c) Je, majenereta hayo yanafanyiwa ukarabati (service) mara ngapi kwa mwaka na gharama yake ni kiasi gani.

Wizara ya Afya:

30. MHESHIMIWA SULEIMAN SARAHAN SAID (Jimbo la Chake Chake) – Atamuuliza Mheshimiwa Waziri wa Afya:

Hivi sasa kumekuwa na tabia ya kuzusha taarifa za uongo kupitia mitandao ya kijamii inayoelekeza kutofaa kwa baadhi ya vyakula kwa matumizi ya binadamu lakini hatusikii Serikali ikikanusha taarifa hizo.

- (a) Je, Serikali huwa hawavioni vitu hivyo vinavyorushwa kwenye mitandao kuonyesha baadhi ya vyakula, dawa na vipodozi kuwa sio salama kwa afya zetu.
- (b) Je, kama vitu hivyo vinavyooneshwa kwenye mitandao kuwa ni kweli au si kweli kwanini Serikali haitoi tamko.
- (c) Je, kipo kitengo maalum cha Wizara ya Afya kinachofuatilia taarifa kama hizo na zinazotolewa kwenye mitandao hiyo.

69. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Afya:

Hivi karibuni kulifanyika matengenezo ya umeme Tanzania Bara ambayo kwa Zanzibar ilihusu kuzimwa kwa nishati hiyo kuanzia asubuhi hadi jioni na taarifa ya kuzimwa huko ilitolewa siku moja kabla, Lakini jambo la kushangaza, Hospitali ya Mnazi Mmoja ilishindwa kufanya matayarisho ya kuwasha jenereta kwa madai ya gharama kubwa mpaka Mheshimiwa Waziri alipoingilia kati.

- (a) Je, jenereta hilo ni la kazi gani kama ikitokea dharura ya kukatwa umeme halitumiwi mpaka itoke amri kutoka juu.

- (b) Je, kwanini Uongozi wa Hospitali haukufanya matayarisho ya mapema kuwasha jenereta hilo wakati tangazo la kuzimwa umeme limetolewa mapema.
- (c) Je, ni kiasi gani cha fedha kinahitajika kuendesha majenereta hayo endapo dharura inatokezea.

Wizara ya Ujenzi, Mawasiliano na Usafirishaji:

10. MHESHIMIWA MWANTATU MBARAK KHAMIS (Nafasi za Wanawake) - Atamuuliza Mheshimiwa Waziri wa Ujenzi, Mawasiliano na Usafirishaji:

Kumekuwa na ongezeko kubwa la makosa ya ajali za barabarani zinazosababishwa na uzembe unaofanywa na madereva na kupelekea vifo pamoja na ongezeko kubwa la ulemavu wa viungo.

- (a) Je, Serikali inachukuwa hatua gani za ziada ili kuona hali hii inapungua au kuondoka kabisa.
- (b) Je, ni lini Serikali itaweka utaratibu mzuri wa malipo kwa wanaobainika na makosa na kuondoa urasimu uliopo hivi sasa unaosababishwa na watendaji waliopo.

99. MHESHIMIWA ALI SULEIMAN ALI (Jimbo la Kijitoupele) - Atamuuliza Mheshimiwa Waziri wa Ujenzi, Mawasiliano na Usafirishaji:

Shirika la Meli Zanzibar linahitaji kupatiwa meli za kisasa, au Boti za kisasa kwa ajili ya usafiri wa haraka, kati ya Unguja – Pemba, Unguja - Dar es Salaam, ili Shirika liweze kujiendesha kibiashara. Kwa kuwa Shirika la Meli la Zanzibar ni chombo muhimu kwa kutoa huduma kwa wananchi kwa kutumia usafiri wa meli.

Je, Wizara ina mpango gani wa kupata meli au boti kwa ajili ya Shirika hilo.

III. HOJA ZA SERIKALI:

Waziri wa Kazi, Uwezeshaji, Wazee, Vijana, Wanawake na Watoto:

Ripoti ya Wizara ya Kazi, Uwezeshaji, Wazee, Vijana, Wanawake na Watoto ya Utekelezaji wa Maagizo ya Kamati ya Maendeleo ya Wanawake, Habari na Utalii kwa mwaka 2016/2017

Waziri wa Fedha na Mipango:

Ripoti ya Wizara ya Fedha na Mipango ya Utekelezaji wa Maagizo ya Kamati ya Fedha, Biashara na Kilimo kwa mwaka 2016/2017.

Zanzibar,
10 Oktoba, 2017.

(Amour M. Amour)
KNY. KATIBU WA BARAZA.